



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

Sermo XXIV. De dolore & consolatione beatæ Maria Virginis.

[urn:nbn:de:hbz:466:1-45790](#)

obliviscatur, sed uberioris ipsam ac dulcioris implevit. Et licet omnium sit altissima, atque felicissimis circumstantia gaudiis, non est tamen humilitatis suae obliterata, per quam meruit dignissime super omnes sublimari. Ideoque nouit ad minimos seruos suos dignanter se inclinare, gaudens aduocata misericordia fieri, atque orphanorum mater appellari, Amen.

SERMO XXIV.

De dolore & consolatione beatæ Mariae Virginis.

Ecli. 24.

1. **V**as myrrha electa, dedi suavitatem odoris. Almæ Virginis Mariæ exæpla, summo tibi desiderio sunt recolenda. Ipsa enim ut myrrha electa, fructum obtulit odoriferum in patientia; & abundantiori diuinæ dulcedenis solatio, iucundissimè est refecta. Fortissimum inuenies & tu solatum, si Mariæ nomen gestaueris cordi tuo insertum. Habetis etenim multa bona, si bene fueris cum Maria. Dilectio sanctæ Mariæ expellit omnem æstum carnalis concupiscentiæ, & donat refrigerium castimoniæ. Dilectio sanctæ Mariæ facit mundum cōtemnere, & Christo in humilitate seruire. Dilectio sanctæ Mariæ ab omni mala societate conservat, & ad religiosæ conuersationis puritatem informat. Dilige ergo sanctam Mariam, & percipies specialem gratiam. Inuoca Mariam, & obtinebis victoriam. Honora Mariam, & habebis mercedem perpetuam. Duo confert præcipue bona, sancta conuersatio Mariæ ad memoriam sape reducta. In bonis & prosperis docet te Deum ex intimo corde laudare, & in aduersis patientem permanere. Ipsa sine intermissione Deum pro acceptis beneficiis altissimè laudavit, quæ ab ipso cæteris excellentius accepit. Ipsa in pressuris huius seculi mitem se semper exhibuit, & contemptibilia magis quam prospera elegit.

Mariæ nullus dies absq; dolore abiit.

2. Nullum diem sine dolore transit, nec tamen sine magna consolatione inter angustias fuit. Omnis quippe tribulatio pro Christo suscepta dulcorat & laetificat: & quanto crebrius quis malorum ierbibus teritur, tanto potioribus donis augeri meretur. Doluit namque vehementer Virgo beata pro mundi erroribus, & pro multorum malitiis; compassa fuit verè pœnitentibus, & duriter tentatis. Doluit pro magna ingratitudine hominum, quibus Deus pater misit filium suum unigenitum, ex charitate incarnatum; vt redirent ad paradisum, per Adam olim amissum. Doluit de perditione prauorum, qui contemnebant audire Dei verbum; qui potius diligebant mundum, quam cælum; & diuitias magis quererebant fallaces, quam virtutes veras. Doluit de innocentium oppressione, & violentia malignorum; de contemptu pauperum.



pauperum, & elatione superborum; de negligentia diuini cultus,
& de transgressione cælestium mandatorum. Et quia mundus
totus in malignitate positus erat, & pauci ad videndum lumen
æternum, quod mundo illuxerat, se disponebant, sumimæ pietati-
mæ mater compassionum stimulis abundabat. In his patientissi-
mè se habuit, ducens vitam martyrio plenam, fundens lachry-
mosas preces cum singultibus, pro salute animarum. Quod si la-
tius attendere velis, quæ & quanta in persecutio[n]e atque passio-
ne dilecti filij sui sustinuit, inuenies eam nimirum tot amaras po-
tiones ebisse in vita, quot Iesus habuit ætatum momenta, &
membra vulnerata. Quando enim passus est Iesus aliquem defec-
tum & abiectionem hominum, & illa non defecit per compas-
sionem? Si doluit, quando Iesum ad horam perdidit, quantum
fleuit, cum crucifigi & mori videt? Notum est amantibus Iesum,
quia maternus affectus excessit in condolendo generalem deuo-
torum modum. Ideo si experiri gestis vim doloris in matre, co-
gita vehementiam amoris in Virgine.

*Mæror at-
que dolor
Mariae su-
per filio
quantus.*

3. Rursum gaudium Mariæ nemo effari potest, nemo affluen-
tiam dulcedinis eius, & consolationis magnitudinem valet com-
prehendere; quia ibi amplior lætitia & consolatio, vbi plenior
infusio gratiæ, atque frequentior Dei visitatio consuevit adesse.
Hinc & ardenter semper excrescit diuinæ laudis affectus, & in-
nouatur totius interioris hominis status. Non permittit gratia *Animam*
cælestis animam sanctam, Deum super omnia amantem, sine in-
terna consolatione vivere; sed ad superna continuò erigit, & in *sanc[tam]*
agendis sapienter illustrat, accedit in meditationibus sanctis, & *non finit*
deuotum reddit in gratiis referendis. *Quanto autem maior gra-*
fatuere. *solatione*
tia & purior vita, tanto lætior conscientia, & deuotior oratio lau-
dantis. Hæc namque conuersatio à terrenis separata tumultibus,
nec infimis retenta desideriis, quotidie Angelicis inseri appetit
choris, præsentibus superelevatur rebus, & summæ Trinitatis
restuat perenni gloria frui. Quam gloriam nullus Sanctorum sic
lympidè prælibauit in hac vita, sicut beata & gloriösa Virgo
Maria, omnium contemplantium ac Deum benedicentium ar-
dentissima exoratrix effecta.

4. Imitare iam nunc & tu matrem Dei, auditis laudationum *Dolendum*
eius præconiis, quatenus & ipse in numero deuotorum merea-
ris precibus matris Virginis computari. Studeas sollicitè in præ-
nominatis virtutum passibus, sanctissimam subsequi Mariam, ad
consequendam cælestis gloriæ palmam. Contristare satis de præ-
teritis negligentiis tuis, & de defectibus nondum vietiis, qui-
bus Deum & creaturas omnes offendisti. Nequiter egisti in se-
culo, tepidè conuersatus in Christi servitio, ideoque tibi lu-
gendum.

gendum primò super teipso, dehinc ex charitate pro proximo. Compateret itaque periculis male viventium, quibus aeternus instat cruciatuſ, niſi resipiscant a malis. Multi male agunt, & neſciunt; plures prauitates suas cognoscunt, nec tamen emendant. Pro his dolendum & orandum, vt det illis Deus compunctionis spiritum ad salutem. Ora etiā pro amicis & benefactoribus, pro aduersariis & detrahentibus tibi, vt piis tribuatur gratia digna, odiosis cognitio bona, omnibus autem pax Christi cum misericordia. Ora, vt omnes Deū diligent, & mandata eius custodiant, vt creatorem suum creature rationales glorifcent, propter quas Deus cuncta mirabilia fecit, & seipsum exinanivit, Mariæ & Ioseph humiliter subiectus. Iterum, esto gratus diuinis beneficiis, toti humano generi per sacratissimam Dei genitricem dignatissimè collatis, reverentiam & honorem eidem iugiter exhibendo. Cum enim lex naturæ iubeat, parentibus carnis reverentiam & amorem omni tempore deferri; multò magis matri gratia filii Ecclesię debent esse grati & gratioſi, atque Dei genitricem ſuper parentes & cognatos omnes amare.

5. Oportet etiam te addiscere, votiuis laudibus ad Deum cum Maria ascendere, & eius patrocinii fideliter inniti, non tuis viribus confidere; ne mens tua oppresa passionibus retardetur inferius; sed quotidie nouis desideriis accensa, sursum liberè tendat: vbi cum Iesu Angelorū rege, glorioſa cœli regina, pia virgo Maria, feliciter regnat. Sed heu, denuo descendere cogit in hanc vallem lacrymarum mortalis infirmitas, post breuem gustationem consolationum diuinarum. Et tunc iterum necesse est clamitar ad matrem multarum misericordiarum; vt suggerat misericordi filio suo, te non habere vinum feruoris: sed indigere sacro denotionis vnguento, ad se debita cum veneratione laudandum. Etenim ipſi cura est de egenis, & contemptoribus mundi & de contemptis in mundo, propter Iesum & Euangeliū regni.

6. Ideoque utile multum ſcire locum refugij a facie inimici, vbi protegaris a sagittis acutis, vbi lateas a frigoribus & tribulationum procellis. Non est tutor locus ad latendum, quam ſinus Mariæ, nec equus velocior ad euadendum manus perſequentis, quam oratio fidei missa in castellum regalis domicillæ noſtræ sanctæ Mariæ. Nam & ipſe Iesuſ hoc castellum intravit, ſumens ex ea ſacra corporis ſui membra, ad expugnandum principem teſnebrarum. Intra ergo & tu ſub huius caſtelli umbraculum, orans die ac nocte, vt a cunctis malis imminentibus eruaris meritis Sanctissimæ Virginis, ſub ampliſſimo & pulcherrimo mantello Dominiæ noſtræ latitando ſecurè. Etenim orante sancta Maria, ruet omnis turba maligna. Iuuáte Maria, euades pericula cuncta.

Ibi

Lucas 2.

Maria ſi diligatur,
portus peccatoribus
est tutiffi-
muis.

Ioan. 2.

Ibi pauper habet domicilium, ibi infirmus inuenit remedium, ibi
tristis accipit solatium, ibi turbatus meretur consilium, ibi desti-
tutus acquirit iuuamen. Bene tibi & multum bene, si ita te exhi-
bueris dignum & obsequiosum beneplacito sanctæ Mariæ, ut eius
gratiam obtineas in præsenti, & gloriam cum eleætis omnibus in
futuro. Tene illam, nec dimitte eam; donec te benedicat, & ad
cæli palatium felici gubernatione perducat, Amen.

SERMO XXV.

*De excellentia meritorum, & priuilegijs donorum
beatae Mariae virginis.*

1. **M**ulta filia congregauerint diuisias, tu supergressa es uniuersas. *Prou. 31.*
 Dilecti fratres, estote fideles serui Iesu Christi, & deuoti
 amatores sanctissimæ matris eius virginis Mariæ, si vultis cum
 eis semper latari in cælis. Tunc eritis Deo & benedictæ matri
 eius dilecti, si corde humiles & corpore fueritis casti; si in omni
 conuersatione vestra, modesti, prouidi, timorati, & circunspecti;
 nulli occasionem dederitis scandali, nec iustæ querelæ. Multum
 est pro salute vestra, pro honore Dei, & laude beatæ Virginis; ut
 sitis in oratione deuoti, in lectione studiosi, in opere strenui, in
 dormitorio quieti, in choro vigiles, in cantando alacres, in capi-
 tulo corrigibiles, in admonitione docibiles, in silentio stricti, in
 refectione sobrij, in oculis custoditi, & in omnibus moribus ve-
 stis disciplinati. Si ergo desideratis beatam Virginem dignè lau-
 dare & summè venerari, tunc sitis sicut simplices filij Dei, sine
 malitia, sine dolo, sine nequitia, sine mendacio, sine ira, sine dis-
 crepatione, sine murmure, sine suspicione: omnia contraria vo-
 bis supportantes in charitate fraterna, cum humilitate & patien-
 tia propter Iesum & Mariam, & Sanctorum vitam imitandam;
 propter pacem vestram & aliorum ædificationem, & maximè
 propter sanctæ Trinitatis gloriam perfruendam. Omnia enim
 amara dulcia sunt, omnia grauia leuigantur: cum amor Iesu, &
 pia matris eius memoria, ad cordis intima penetrant. Si quis
 hæc probare voluerit, frequenter de eis cogitet, loquatur, legat,
 cantet, & oret.
2. **V**t autem aliquantum vobis innotescat excellētissima dignitas
 beatissimæ Virginis Mariæ, audite pauca de pluribus donis & pri-
 uilegiis eius; quibus Deus eā benedixit & exaltauit, præ omnibus
 sanctis Angelis & Archängelis in cælis, & præ cunctis hominibus
 in terris. Hæc est Virgo sacratissima & mater Dei charissima, de
 qua canitur in sancta Ecclesia per totū orbē terrarū latè diffusa:

Exaltata.